



دئموکراسی - چوخ گوروشلولوک

توپلوملاریندا زوراکلی لیغین حاکیملی یی بئله قارشیلیقلی احترام و سایغینی ایمکانسیز قیلیر. چونکی دیکتاتور و مستملکه ده یاشایان ، یاخود مستملکه دن تزه اوزلرینی قورتاران توپلوملاردا عملده تک گوروشلولوک حوکوم سورور. چونکی اوشاقلقدان اویره بيله ن شئی تک گوروشلو دوشونجه طرزیدیر. باشقا جور دوشونلره توپلومدا یئر یوخدور. اونلار دوشمن کیمی باخیلیر. آغیزلاری نین باغلانماسینا ، فیزیکی یوخ ائدیله لرینه چالیشیلیر. بئله توپلوملاردا یاشایان اینسانلار چتشدلی اکسیک لیک دویغولارینا (کومپلئکس لره) مالیکدیرلر. اوزلری بيلمه دن بو اکسیک لیک دویغولارینی اوزلری ایله داشی بیرلر. بئله اکسیک لیک دویغولارینا دوشن توپلوملاردا هرکی - هرکی لیک ، قانونلار، فردلرین گوروش و حقوقلارینا حورمت سیزلیک موجوددور. بودا او توپلومون گلیشمه سینه مانع اولان بویوک عاملرندیر. تک گوروشلو - دیکتاتور توپلوملاردا چخیب ، چوخ گوروشلولو، دئموکراسینی ، دئموکراتیک دوشونجه طرزینی قبول ائتمک چتندیر. آلمانلار حاقلی اولراق دئییلرکی، دئموکراسی بیر توپلومدا ان گوزه ل ایداره، دوزه ن شکلی اولدوغو حالدا ، اویغولانماسی (ایجراسی - تطبیقی) دیکتاتور ایداره شکلینده ن داهادا چتندیر.

چونکی قارشى سیندا اولان شخصین دوشونجه سینی قبول ائتمک ، اونولا اولکه نین منافعی اوچون امکداشلیق ائتمک، چوخ گوروشلو توپلومون آنا اوصوللاریندان بیرى ساییلیر. دئموکراتیک دوزه نده یاشامایانلارین ، حتا او محیطدن چیخانلارین آراسیندا بئله بیر امکداشلیق چتین اولور، چونکی اوزلریله داشییدیلار ای اکسیک لیک دویغولاری بونا مانع چیلیک یارایر. حتا خدمت آیتنا اوز میللتینه اوز سویداشلارینا ، وطنینه خیانتده قده ر گوتوره بیلیر. بونا گوره ده او تایللی - بوتایللی آذربایجان توپلومونا قئید ائدیله ن جهتلر آچی سیندان باخمالی ییق. مسئله یه بو شکیلده علمی یاناشارساق، باش وئره ن اولقولاری(حادیثه لری) بعضی خوشا گلمه ز حرکتلری دوزگون ده یئرلندیره بيله ریک.

بوتون بونلار نظره آلیندیقدا قانونا دایانان دئموکراتیک

حقوق دولتی و وطنیمیز آذربایجاندا یاراتماق اوچون اوز دوشونجه لریمیزی ، حرکتلریمیزی حتا اوزوموزو بویودوجو (نره بین) آلتینا قویوب، اوزوموزو تانیمالی ییق، سن اولما - من اولوم داوالاریدان، دویغوساللیقدان (احساساتدان) اوزوموزو قورتارمالی ییق.

میللی شعور و کیملیک (۲)

اساس ساییلا بيلمه ز. ائله اونون حاکمیته گلمه سیده قئید اولونان گلیشمه نین نتیجه سیدیر. عکسینه او بالئیک اولکه لرینده و آذربایجاندا جینایتره ال اتاراق اسکی مثتولردان یارارلانیب، ر ثغورلا سی سئمی قوروماق ایسته ییردی. آما اسیر میللترده ویجدان اوینایشی بیر داهایا بونا ایجازه وئرمه دی. ائله واختی ایله هامان حادیثه لر اطیش و عثمانلی ایمپراطورلوقلاریندا باش وئرمیشدیر. دئمک ایرمینجی یوز ایله منلی یینه پئی آپاریب ، میللی شعورا صاحب اولان میللتر ایمپراطورلوقلارین چرچیوه سینده قالمایب، مستملکه چیلیک حیاتی سون قویماغی باجاریب، مستقیلیک و باغلی سیزلیقلارینا قووشا بيلمیشلر. سوویت ایمپریاسی نین داغیلماسی نین آنا سببلرینده ن بیریده بئرلین دوواری نین ییخیلماسیدیر. قئید ائدیلمیش کیمی قورباچوفون حاکمیته گلمه سی بونا یالتیز بیر عامیل رولونو اوینادی. نئجه ده کی، بیرینجی دنیا ساواشی نین باشلاماسی اطیش و عثمانلی ایمپراطورلوقلاری نین داغیلماسی ایله نتیجه لندی.

نئجه بیه رلر سوسیالیست اولکه لرده اورتاق میللی کیملیک بیه بیر شئی یوخودی. تاریخ، کولتور و مدنیت باخمیندان فرقیلی میللترلری سوسیالیست دوشونجه بیرلشدیره بيلمه دی. عکسینه بو میللترلر طبیعی گلیشمه لری نین قارشى سی آلتینا، ایره لی گئتمک یئرینه گئری گئتمه لرینه سبب اولدو. ائله بونا بنزه ر اولقو(حادیثه) عثمانلی ایمپراطورلوقونون گونئی ده اولان مصریده ن توتوب، سوریه ، عراق و سوریه عربیستانا قده ر ، غریبه ایسه اطیشده قده ر اوزانان مستعمره لرینده ده باش وئردی. اورادادا بو ایمپراطورلوقو ایسلام بیرلیی قورویا بيلمه دی.

بوتون بو اولکه لر بیرى- بیرى نین آردینجا اوز مستقیلیکلرینی الیه ائتدیلر. حتا عثمانلی تورکلری اوزلریده بو مستعمره لرین قوربانلی اولراق طبیعی گلیشمه لری نین قارشى سی آلیندی. قئید ائدیلمیش کیمی مستملکه چیلیک مستعمره چی نین اوزو اوچونده ضره رلی اولور. عثمانلی ایمپراطورلوقونون اورتایا آتیغی ایسلام بیرلیی دوشونجه سی عملده نئجه سیز اولسادا سونرالار ایسلام اولکه لرینده فاناتیزمین گویرمه سینه ایمکان یاراتدی. نئجه ده کی شاهین آپاریلماسیندا خارجی اولکه لر بو ایسلام سیلاحیندان یارارلانیب ، اورتا چا(عصره) عاید فاناتیزمیه کور اولوش خمینی رژیمینی حاکمیته گتیریلر. بیر صورتده کی شاهین گئتمه سی ایران دئییل ن یئره اسارتده یاشایان میللترلر بو اسارتدن قورتولالارینی ایجاب ائیدردی. آما بونا ایجازه وئریلمه دی. چونکی خارجی قوولرین اوزلریده بو میللترده میللی ویجدان، اوز درکین اویناماسیندان قورخورولار. حتا بو بوگون اوچونده گئجه رلیدیر. سببی ایسه اونلارین مسئله یه اوز میللی چیخارلاری آچی سیندان باخمالاریدیر.

باشقا بیر حقیقتده بودورکی، او زامان ایران دئییل ن یئره فارس شوونیزمی نین مستملکه سینده یاشایان میللترده میللی شعور و دوشونجه یئرلی قده ر اوینایب منیمسنمه میشدیر. بو اولقودان(حادیثه دن) ۲۵-ایل کئچدیکده ن سونرا بوگون آذربایجان میللتی نین ایره لی گوروشلولوری، آیین و ضیالیلاری بونون فرقینه وارمیشلار. تاسوفله آیینلاریمیزین بیر بولومو ایندی نین - ایندیسینده ده یوخاریدا قئید ائدیله ن سببلر اوزونده ن ، فارس شوونیزمی نین اوزون ایللر تبلیغاتی نتیجه سینده اوزلرینی آذربایجانلی بيلمک یئرینه ایرانلی اولدولارینی ایدعا ائدیرلر.

آردی گله چک سایدا

بیزیم عنوانیمیز بئله دیر :

Schmidt
Postfach 180453
60085 Frankfurt/ M.
Germany

www.jarchi.info
info@jarchi.info

جارچی اولدوغو کیمی خارجده تکثیر ائدیلمیشدیر .